



R55
827








W JACKSON
























¶ Der erst Artikel.



Als man fest vnd eintrech-
tiglich lere/ das allein ein eyniger warhafft-
tiger Got sey schöpffer himels vnd der erden
Also das in dem einigen warhafftigen Göt-
lichen wesen/drey vndterschiedliche person sind/ Nämlich
Got der vater/ Got der son/ Got der heylig geyst/ Das der
son vom vater geporn/ von ewigkheit zu ewigkheit rechter nat-
ürlicher Got sey mit dem vater/ Vnd der heilig geyst/ beide
von vater vnd son ist/ auch von ewigkheit zu ewigkheit rech-
ter natürlicher Got sey/ mit dem vater vnd son/ wie das als
les durch die schiffe klerlich vñ gewaltigklich mag beweyst
werden/ Als Johannis am. 1. Am anfang war das wort/
vnd das wort ware bey Got/ vnd Got ware das wort/ Al-
le ding sein durch das selbige gemacht zc. Vnd Mathet vlti-
mo / Geet hyn leret alle Heyden / vnd teuffet sie im namen
des vaters / vnd des sons / vnd des heyligen geysts. Vnd der
gleychen sprich mer / sonderlich im Euangelio Johannis.

¶ Der ander Artikel.

Daß allein der son Gottes sey warhafftiger mensch wor-
den / von der reynen Junckfraw Maria / geporen mit leyb
vnd seel vollkommen / vnd nicht der vater oder heylig geyst
sey mensch worden / Wie die ketzer Patripassian geleret ha-
ben / Auch der son nicht alleyn den leyb on seel genomen /
Wie die Phocimer geurreth haben / Dañ er selbst im Euan-
gelio gar offte von seyner seel redet / Als da er spricht / Meyn
seel ist betrübt bis in den todt zc. Das aber Gott der son sey
mensch worden / stehet Johannis primo klerlich also / Vnd
das wort ist fleysch worden zc. Vnd Gal. am vierden Cap-
itel / Da die zeyt erfüllet werdt zc.

85-16. 2.

R 55/827



hr

¶ Der Dritte Artikel.

Das der selbich Gottes son/ warhafftiger Got vnd mensch Jesus Christus sey/ eyn einige vnzertrenliche person/ für vns menschen gelidten/ gecreuziget/ gestorben/ begraben/ am dritten tag auferstanden vom todt/ auffgesaren gen hymel/ sitzent zur rechten Gottes/ Herr vber alle Creatur/ Also das man nicht glauben oder leren kan oder sol/ das Jesus Christus als der mensch oder die menschheit für vns gelidten hab/ Sondern also/ weil Got vnd mensch/ hie nit zwo person/ sonder eyn vnzertrenliche person ist/ sol man halten vnd leren/ das Got vnd mensch/ oder Gottes son warhafftig für vns gelidten hat/ wie Paulus zum Römern am achten Cap. spricht/ Got hat seynes eynigen sons nicht verschont/ sondern für vns alle do hyn gegeben ic. Vnd 1. Cor. 2. Setzen sie es erkant ic. vnd dergleychen sprich mer.

¶ Der vierde Artikel.

Das die erbsundt eyn rechte warhafftige sundt sey/ vnd nicht allein ein feel oder gebrechen/ Sondern ein solche sundt/ die alle menschen so von Adam komen verdampft/ vñ ewig klich von Got scheydet/ wo nicht Jesus Christus vns vertreten/ vnd solche sundt sampt allen sunden/ so darauff folgen auff sich genumen hette/ Vnd durch seyn leyden gnug dafür gethan/ vnd sie also ganz auffgehoben vnd vertilget in sich selbs/ Wie den Psal. 52. vnd Roma. 5. von solcher sundt klerlich geschriben ist.

¶ Der funfft Artikel.

Nach dem nun alle menschen sunder sind/ der sunden vnd dem todt/ darzu dem Teuffel vnterwoiffen/ Ist es vnmöglich das ein mensch sich auß seinen krefften/ oder durch seine gute werck heraus wircke/ damit er wider gerecht oder frum werde/ Ja kan sich auch nit bereyten oder schicken zu der gerechtigkeit/ Sondern ye mer er sijnimpt sich selbs

herauff zu wirken ye erger es mit jm wirt/ Das ist aber der
eynig weg zu der gerechtigkeit/ vnd zu der erlösung von sun-
den vnd todt/so man on alle vordienst oder werck gelau-
bt an den son Gottes für vns gelitten zc. wie gesagt/ Solcher ge-
laub ist vnser gerechtigkeit/den Got wil für gerecht/ frum
vnd heylig gerechnet vnd gehalten werden/ alle sund vnd
ewigs leben geschencket haben / Alle die solchen glauben
an seynen son haben/das sie vmb seynes sons willen / sola-
len zu gnaden genomen vnd kinder seyn/in seynem reych zc.
Wie das alles S. Paul vnd Johannes in seynen Episteln
reychlich leren/ als Ro. 10. Mit dem hertzen glaubt man
zc. Johannis am 3. Alle die an den son glauben sollen nit
verloren werden/sonder das ewig leben haben zc.

¶ Der sechste Artikel.

Das solcher glaub sey nicht eyn menschlich werck noch
auß vnsern krefftien möglich/sonder es ist ein Gottes werck
vnd gab / die der heylig geyst durch Chistum gegeben ins
vns würckt/Vnd solcher glaub/die weyl er nicht eyn loser
won oder dunckel des hertzen ist/wie die falsch glaubichen
haben/ Sonder eyn krefftiches newes/ lebendich es wesen/
bringet er vil frucht/ thut ymer guts gegen Gott mit loben
danccken/bitten/predigen/ vnd leren/ gegen dem nechsten
mit liebe/dienen/helffen/rathen/geben vnd leyhen/vnd leys-
den allerley vbels biß in den todt zc.

¶ Der sibent Artikel.

Solchen glauben zu erlangen oder vns menschen zu er-
geben/ hat Gott eingesetzt das predig ampt oder mündlich
wort/ Nemlich das Euangelium durch welches er solchen
glauben vnd seyne macht/ nutz/ frucht verkündigen leß/
vnd gibt auch durch das selbich / als durch ein mittel den
glauben/mit seinem heiligen geyst/wie vnd wo er wil/sonst
ist kein ander mittel noch weyß/weder weg noch steig/ den

glauben zu bekommen / Denn gedanken außser oder vor dem
mündlichen wort / wie heylig vnd gut sie scheynen / sindt
sie doch eyttel lügen vnd yrrthumb.

¶ Der acht Artikel.

Hey vnd neben solchem mündlichen wort / hat got auch
eyngesetzt eusserliche zeychen / die man Sacrament uennet /
Nemlich die Tauff / vnd Eucharistian / durch welche got
neben dem wort / auch den glauben vnd seynen geyst ana
beit vnd gibt / vnd sterckt alle die sein begeren.

¶ Der neundt Artikel.

Das die Tauff das erst zeychen oder Sacrament / steet in
zweyen stücken / Nemlich im wasser / vnd wort Gottes /
oder das man mit wasser teuffe / vnd Gottes wort spreche /
vnd sey nicht alleyn schlecht wasser / oder begiessen (wie die
Taufss lesterer iezund leren) Sondern weil Gottes wort
da hey ist / vnd sie auff Gottes wort gegründt / So ist es ein
heylig / lebendig / krefftig ding / Vnd wie Paulus sagt Titon
3. Ephesios 5. Eyn badt der wider gepurt / vnd vernerwe
rung des heyligen geystes zc. Vnd das solche Tauffe / auch
den kindteyn zu reichen vnd mit zuteylen sey. Gottes wort
aber / darauff sie steet sindt dise / Geet hyn vnd Tauffet im
namen des vaters / vnd des sons / vnd des heyligen geysts /
Math. am letzten Cap. Wer glaubt zc. Da muß man glas
ben.

¶ Der zehent Artikel.

Das Eucharistia oder des altars Sacrament / steet auch
in zweyen stücken / Nemlich / da sey warhafftiglich gegen
wertig im brodt vnd im weyn / der war leyß vnd blüt Chri
sti / nach lauth der wort / Das ist meyn leyß / das ist meyn
blut / vnd sey nicht alleyn brodt vnd weyn / wie izundt das
widerteil für gibe / Dise wort fürdern vnd bringen auch den
glauben / vben auch denselbigen hey allen denen / so solches

Sacrament begeren vnd nicht dar wider handeln / gleych wie die Tauff auch den glauben bringt vnd gibt / so man jr begeret.

¶ Der aylffte Artikel.

Das die heymliche Beycht nicht sol erzwungen werden mit gesetzen / so wenig als die Tauff / Sacrament / Euangelio sollen erzwungen sein / sondern frey / Doch das man wiß / wie gar trostlich / vnd heylsam / nützlich vnd gut sie sey den Betrübten oder irrigen gewissen / dieweyl darinnen die absolution / Das ist / Gottes wort vnd vteyl gesprochen wirt / da durch das gewissen loß vnd zu friden wirdt von seynem Bekömmernuß / Sey auch nicht not alle sund züerzelen / Man mag aber anzeygen / die so das hertz beyssen vnd vntrügig machen ic.

¶ Der zwelffte Artikel.

Das kein zweyfal sey / es sey vnd bleyb auff erden ein heylige Christliche kirche / biß an der welt endt / wie Christus spricht Matthei ultimo / Sihe ich bin bey euch biß an der welt endt / Solche kirchen ist nichts anders den die glaubigen an Christum / Welche obgenante artikel vnd stück halten / glauben vnd leren / vnd daruber veruolget vnd gemartert werden in der welt / Den wo das Euangelion gepredigt wirt / vnd die Sacrament recht gebraucht / da ist die heylige Christliche kirche / Vnd sie ist nicht mit gesetzen vnd eufferlicher macht / an steth vnd zeyt / an person vnd geberd gebunden.

¶ Der dreyzehent Artikel.

Das vnser herr Jesus Christus an dem Jüngsten tag kommen wirt / zu richten die lebendichen vnd die todten / vnd seine gelaubichen erlösen von allen vbel / vnd in das ewig leben bringen / Die vngelauibichen vnd gotlosen straffen / vñ sampt den Teuffeln in die helle vordammen ewigklich ic.

¶ Der vierzehent Artikel.

Das in des / biß der Herr zu gericht kumpt / vnd allen ges

walt vnd herschafft auffheben wirt / Sol man welche da
Berkeit vnd herschafft in ehin haben vnd gehorsam sein / Als
einem standt von Got verordnet / zū schützen die frummen
vnd zū steuern die bösen / Das solchen stand ein Churf / wo
er darzū ordenlich beruffen wirt / on schaden vnd far seines
glaubens / vnd seyner seel seligkeit / wol furen oder dariñen
dienen mag.

¶ Der fünffzehent Artikel.

Auff dem allen volgen / das dielere so den Priestern vnd
geystlichen / die ehe vnd in gemein hin / fleisch vnd speys ver
beut sambt allerley closter leben vnd gelübten (weil man da
durch gnade vnd seel seligkeit sucht vnd meynet / vnd nicht
frey lest) eyttel verdampfte Teuffels lere sey / Wie es Sanct
Paul 1. Thi. 4. nennet / So doch alleyn Christus der eynig
weg ist zū der gnaden vnd seel seligkeit.

¶ Der sechzehent Artikel.

Das für allen gewel / die Messe so bis hiber für ein opffer
oder gut werck gehalten / damit eyns dem andern gnade ers
werben hat wollen / ab zu thun seyn / Sondern an stat sol
cher Messe eyn göttliche ordnung gehalten werd / Das heyl
lig Sacrament des leybs vnd blüts Christi / beyder gestalt
zu reychen / einem itzlichen auff seynen glauben / vnd zu sey
ner eygenen notturfft.

¶ Der sibentzehent Artikel.

Das man die Cerimonien der kirchen / welche wider gots
tes wort streben auch abthun / Die anderen aber frey laß sein
der selbichen zū gebrauchen oder nicht / nach der liebe / Da
mit man nicht on visach leychefertige ergernus gebe / oder
gemeynen fride on not betrübe zc.

¶ Gedruckt zu Nürnberg bey Georg Wachter.




Faint, illegible text at the top of the page, possibly bleed-through from the reverse side.


Second block of faint, illegible text in the upper middle section.


Third block of faint, illegible text in the middle section.


Fourth block of faint, illegible text in the lower middle section.


Faint, illegible text at the bottom of the page.














1. Jan 1910.

Ollo Harranowich

Kat Noo 327 Noo 405.

Wig. Bai Kuczynsky, Knecht, Brit. Museum
Bill. Linderian.

1530





